

KENYATAAN MEDIA

20 KAKITANGAN MOLEX BELAJAR DI UniMAP

ARAU, 6 September 2019 - Universiti Malaysia Perlis (UniMAP) terus meluaskan perkongsian ilmu kepakarannya apabila menerima 20 kakitangan syarikat Molex (M) Sdn Bhd sebagai pelajar pada Majlis Menandatangani Memorandum Persetujuan (MoA) bagi Diploma Eksekutif Teknologi Pembuatan yang berlangsung di syarikat tersebut di Prai, semalam.

Menurut Naib Canselor UniMAP, Prof. Ir. Ts. Dr. R Badlishah Ahmad, sesi pengajian selama setahun itu telah dimulakan di mana kuliah akan diadakan di syarikat tersebut.

“Ini merupakan usaha universiti dalam menyahut seruan kerajaan bagi mewujudkan kerjasama bersama industri di mana program ini telah membuka lembaran baharu buat UniMAP dan saya berharap akan ada lebih banyak lagi kerjasama bersama industri.

“Suka juga saya nyatakan bahawa UniMAP telah memulakan usaha proaktifnya dalam membina hubungan bersama pihak industri melalui khidmat nasihat bagi penambahbaikan struktur program pengajian,” katanya ketika berucap pada majlis tersebut.

Tambahnya lagi, UniMAP turut menjalankan beberapa projek bersama pihak industri berfokus kepada latihan staf.

“Universiti dan industri saling bergantung antara satu sama lain kerana graduan yang berkualiti hasilan universiti akan meningkatkan produktiviti industri,” katanya.

Selain MoA, turut diadakan majlis penyerahan surat tawaran pengajian kepada kakitangan Molex yang terlibat.

Turut hadir pada majlis itu ialah wakil Molex iaitu Timbalan Presiden Sumber Manusia Antarabangsa, Pete Sparber; Pengarah Operasi, Tharshana Moorthi; Pengurus Wilayah Utara, Norlaily Matsah.

Hadir sama adalah wakil UniMAP iaitu Pengarah Anjung UniMAP Kulim merangkap Perunding Utama Program Diploma Eksekutif Teknologi Pembuatan, Prof. Madya Dr Yufridin Wahab; Pengarah Pusat Kerjasama Industri dan Agensi Kerajaan (CIGC), Prof. Madya Dr. Shafriza Nisha Basah

Prof. Dr. Badlishah turut menyuarakan hasrat agar industri lain akan turut mempraktik usaha syarikat Molex dalam usahasama bersama universiti bagi mengukuhkan industri ini di Malaysia.

Sementara itu, Ijasyahrizal Arshad,28 memyambut baik inisiatif yang dibuat oleh Molex yang memberi peluang kepada beliau dan rakan-rakannya untuk menyambung pengajian bagi memantapkan lagi pengetahuan dan kemahiran sedia ada.

“Saya berada di bahagian Jaminan Kualiti (Quality Assurance) dan melalui program ini saya yakin akan menjadikan saya kakitangan yang proaktif dan dinamik serta memenuhi kehendak majikan saya.

“Kebanyakan kami ini mempunyai sijil dari pelbagai institusi dan telah berkhidmat lebih tiga tahun di Molex serta melalui tapisan sebelum terpilih dalam program ini,” katanaya.

Tambah Ijasyahrizal lagi beliau berharap agar lebih ramai kakitangan Molex yang ditawarkan tempat di UniMAP bagi menyambung pengajian demi peningkatan kemahiran.

Dikeluarkan Oleh :

Nurul Aida Othman

Penolong Pegawai Media UniMAP

Tel : 04-9798522